

近代中國史料叢刊
沈雲龍

分類選集

丙集：年譜傳記類

黃陶樓

江苏工业学院图书馆
藏書章

先生年譜

陳定祥編

文海出版社印行


黃 陶 橋 先 生 年 譜

玉 山 陳 定 祥 輯

江 蘇 省 立 揚 州 圖 書 館 藏

1 9 8 9

陣機先生水象




滿腔子是國德之心

其鄉人為感德而化

六年五月紅花市林使黃至平五歲

原 題 生 先 補 陶

陶樓先生詩翰一



可國藏石

陶庵先生詩軸

有
而
無
帝
未
規
箴

庚寅九月自蘇州量移

武昌湖行

年

生

我

老

不

死

可園藏石

黃陶樓先生年譜

玉山陳定祥初稿

黃先生彭年。字子壽。又號陶樓。晚號更生。譜名邦鎮。貴州貴筑人。原籍湖南醴陵。祖經林公始遷貴筑。經林公四子。長兌楫公安泰。次石香公輔廷。次斗南公輔相。季卽先生府君琴塢公輔辰。配左淑人生先生。

一歲 清道光癸未三年

先生於六月十一日丑時生。

先生生年。有生前創建可園學古堂。卽今江蘇省立蘇州圖書館。所保存之石像題辭可徵。其生月生日。於諸運鞠璞齋集見之。至生時。郵函北平。詢胡師綏之。承鈔三十年前日記示知之。

二歲 道光甲申四年

三歲 道光乙酉五年

先生府君琴塢公。就館清鎮縣丁懷甫大令良嗣署中。先生依母氏居里。

事據先生自撰府君行略。

四歲 道光丙戌六年

先生妹香齡生。

先生弟妹生死。均據自撰左淑人事略。

墓誌銘

琴塢公姓山岡字子山。號琴塢。

先生伯父石曾公。公年知頃。而事琴塢公。職之任。終其身。未久。即歸。

五歲 道光丁亥七年

六歲 道光戊子八年

先生弟晉齡生。

七歲 道光己丑九年

八歲 道光庚寅十年

九歲 道光辛卯十一年

先生弟晉齡。弟又齡生。

十歲 道光壬辰十二年

十一歲 道光癸巳十三年

先生妹玉生。末期焉。

十二歲 道光甲午十四年

先生承琴塢公命。讀呂新吾呻吟語。連日不飽。

事錄呂君舒墓誌銘

十三歲 道光乙未十五年

先生府君是年中式進士。旋即隨母入都。

先生生歲前一年壬午。琴塢公舉孝廉。至是成進士。以主事用。籤分吏部文選司。何時接眷赴京。無年月可稽。據先生自撰左淑人事略。家君官京師。賓客過從。淑人手自烹飪。可徵先生於府君通籍後。即隨母入都。先生父子。久居都門。住址確在何處。絕少紀述。唯據桐鄉嚴緝生自編年譜。道光二十七年丁未。先考抵京。至會館暫居。因有兩次引對。故特賃居鐵門文昌館對門一宅。乃貴州黃琴塢年丈吏部輔辰舊宅。乙巳蕭史樓殿撰錦忠爲其西席。發祥此宅。門內猶懸狀元匾額。先考居之甚樂。以此可徵丁未前。先生父子。曾住鐵門。但何年遷入。何年移居。未能確徵。附誌於此。

妹常生。未期殤。

十四歲 道光丙申十六年

先生弟又齡殤。弟葆齡生。

從蕭師史樓受業。

據嚴緝生年譜。蕭爲黃氏西席。先生思益堂詩集書後。亦有吾師蕭修撰云云。蕭爲先生業師。確在何年。未能徵實。蒙上述嚴譜次之。

十五歲 道光丁酉十七年

黃陶樓先生年譜

十六歲 道光戊戌十八年

先生伯父斗南公中式順天鄉試舉人。

先生三伯父鎮粵西之變。屢次苦戰。殉節柳州武宣。奉祀昭忠祠。清國史館傳職。未爲立傳。取事之較著者。附茲年譜。以見先生家之多忠賢也。

十七歲 道光己亥十九年

先生兄葆謙卒。

葆謙字蘊之。長先生二歲。卒年十九歲。國子監生。有聘室未娶。未幾聘室亦卒。

與錢塘陳元祿同治古學。

陳元祿左淑人事略書後云。道光己亥庚子間。元祿治古學。黃編修與同好。一日以疑義相問難。彭年不能對。因發憤自立。不三月。學大進。元祿述事。並舉己庚兩年。茲列於己亥歲。從其始也。

十八歲 道光庚子二十年

先生弟葆齡歿。

左太淑人以屢育多殤。尤鍾愛先生。因是先生常不離親側。遵義鄭珍賢母錄序。有子壽入翰林。授編修官。年且未壯。同時科目之士。十餘年間。登侍從而榮載者。不少其人。子壽自通籍以來。不以賸尊顯爲榮。惟日侍左右爲樂云云。據此可知太淑人痛子女多殤。先生亦傷弟妹不育。長兄又夭。侍

舉不容旁貸。一門慈孝。轉於家口多故間徵之。

初應鄉試。

光緒己丑江南恩科鄉試。先生入闈監臨時。作紫泥日記。有憶踏名場五十年之句。自注云。庚子初

應鄉試。

陶淑人來歸。

淑人名珠。字幼雲。玉田縣知縣同里陶菴泉先生長女。

十九歲 道光辛丑二十一年

先生畫就外傳。夜歸自課。閱學海堂經解。十七史通鑑略畢。

事見陶淑人事略。

二十歲 道光壬寅二十二年

二十一歲 道光癸卯二十三年

先生應順天鄉試。中式舉人。

是年順天本科鄉試。主考禮部尙書麟魁。滿州鑲白旗人。丙戌進士。兵部尙書許乃普。浙江錢塘人。庚辰進士。祭酒花沙納。蒙古正黃旗人。壬辰進士。首題足食足兵二句。次題曰思無邪。三題助之長者四句。詩題庭中竹撼一聲秋。得秋字。解元余萼銜。宛平人。房師浙江蕭山陶恩培益之。陶公殉節

先生爲撰行狀。內有彭年於公爲年家子。東苑試出公門下云云。以此徵知先生。舉於北關。

二十二歲 道光甲辰二十四年

先生府君補主事官。

奉議公自道光十五年。歲分吏部。至是歷十年。始補實官。

二十三歲 道光乙巳二十五年

先生與伯父南公。應恩科會試。同榜中式進士。

是科考官內閣大學士穆彰阿。滿洲鑲藍旗人。乙丑進士。兵部尙書許乃普。見前。戶部侍郎賈柏。山東黃縣人。丙戌進士。工部侍郎周祖培。河南商城人。己卯進士。首題人爲度裁二句。次題詩曰。妻子好合一節。三題至於治家國三句。詩題凡百教有位。得賢字。會元蔣錕伯。江都人。殿試狀元蕭錦忠。茶陵人。榜眼金鵬清。桐鄉人。探花吳福年。錢塘人。先生原籍湖南醴陵。與曾文正舊同鄉。是科文正充會試同考官。文正年譜紀云。道光乙巳二十五年三月。欽派會試同考官。籤分第十八房。薦卷六十四本。中式周士炳等十有九人。湖南中式八人。皆長沙籍。貴州中式黃輔相及姪彭年二人。原籍醴陵。而狀元爲蕭錦忠。朝元爲孫鼎臣。去秋鄉試南元爲周壽昌。亦於是科入翰林。文正時管理長沙軍餉事。題名之日。公爲聯語云。同科十進士。慶榜三名元。蓋湘省佳話也。曾譜所云十進士。以先生伯姪二人偕言之。南元周壽昌。字荇農。著有思益堂集。先生爲周集撰書後。亦述及文正聯語云。

慶榜十進士。間歲三名元。科場佳話。傳誦一時。兩對聯語。文字雖有歧異。事實之爲時人所喜談。可想見之。

樂師蕭史樓錦忠於先生鐵門舊宅。懸狀元匾額。

事見上述嚴鍾生年譜。是年蕭之居處。有嚴譜可徵。先生父子。仍住鐵門。抑或他遷。轉不可考。

三月二十三日。陶淑人卒。櫛厝京師城南老君地。

先生自撰淑人事略云。吾父常教吾博覽。顧念吾父貧。不敢多置書。幼雲傾嫁。實得百金。購全史。置妝閣。皆定入室。發書侵曉。乃罷。幼雲每夕。著飯一器。夜半以湯沃之。進。一夕。吾倚案假寐。比覺。則飯已三沃。如是者三年。而幼雲病矣。先生述淑人婉順若此。乃妙年夫婿。得躋玉堂。而菱花遽萎。寧不可哀。曾文正轅聯云。得見夫君爲文學侍從之臣。雖死何憾。但觀人言於父母昆弟。無間其賢。查先生文鈔第五卷。淑人事略篇云。道光二十三年五月六日。吾授館職祀先。幼雲病已篤。強掖使坐。披以品服。是月二十三日卒。文鈔以淑人卒年。爲道光二十三年。是年先生猶未通籍。未可稱侍從之臣。且不應有品服祀先之舉。文正年譜。及思益堂書後。均確指先生成進士。爲道光二十五年。文鈔二十三年之三子。度係五字之誤。故陶淑人來歸。及病卒年分。均從曾譜。及思益堂書後按核。不使

文鈔。

二十四歲 道光丙午二十六年

黃岡樓先生年譜

先生在京寓侍親。

康輿生感齊集。謂先生乙巳貢士。丁未補殿試。本年無事。必在京寓侍奉可知。

二十五歲 道光丁未二十七年

先生伯父斗南公。權廣西陸川縣事。

公以治銀牌峽盜。有聲於粵。是年當道令權縣事。并檄赴新安。與湖南新甯稱兵犯桂之李沈發戰。擒斬甚衆。公以文吏從戎。卽自是年始。

十月補殿試

曾文正年譜。丁未十月。派殿試讀卷大臣。可徵是年殿試在十月舉行。先生於殿試後。改庶吉士。授編修。又充武英殿協修。國史館協修。功臣館纂修。本衙門撰文等事。應列何年。無可實徵。僅據清國史傳稿。誌其大略於此。

十一月。謁父執唐子方於武昌。

先生所撰夢硯齋詩書後。首句卽曰。道光丁未十一月。謁父執唐子方先生於武昌。此可徵先生於殿試後。卽請假出都。先生以奉養爲職志。不敢輕離母側。此次離京。或因回里祭掃先塋。

二十六歲 道光戊申二十八年

先生於正月三日。舟次安慶。

先生撰大別山考。自附跋語。有舟行多暇云云。未署道光戊申正月三日安慶舟中十四字。行蹤頗以可徵。

舟次鎮江登鈔。

先生光緒己丑所撰紫泥日記。有夜過鎮江一詩。第五句。四十二年懷往事。自注云。戊申過此。維舟登鈔。

九月繼室劉淑人來歸。

淑人名尹玉。字季瓊。辰州知府大興劉寬夫先生第四女。配室籍隸大興。成禮必在北都。九月之前。先生由南返北。可以借徵。淑人擅繪事。結縭之夕。先生被酒臥。淑人取陶然共醉菊花盃句意。作菊盃圖。一時傳爲詩話事。所書月。據淑人事略。

二十七歲 道光己酉二十九年

先生伯父斗南公權廣西博白縣事。

時粵軍勢熾。張加群者。卽後江南提督幫辦欽差大臣。殉節丹陽張國樑之始名也。時爲太平軍魁。率黨三千餘人。攻博白。公戰却之。益衆再來。勢更熾。公又戰却之。後張加群降於提督向榮。爲名國樑。公以其善戰。與交歡焉。

庶中曉曉置閱。並帶結實二十四雙。取以名齋。